



Hondarribiko
Udala

Esp: 2026ES020002

Erref: AM

DIRULAGUNTZA IZENDUNA EMATEARI BURUZKO HITZARMENA

Hondarribian, 2026ko maiatzaren 8an

BILDU DIRA:

Batetik, Igor Enparan Araneta jauna, ██████████ NAN zenbakiduna, **Hondarribiko Udaleko alkate** gisa.

Bestetik, Lierni Ormazabal Insausti, ██████████ NAN zenbakiduna, **Oiartzualdeko Hedabideak SLren ordezkari** gisa.

PARTE HARTZEN DUTE:

Lehenengoak Hondarribiko Udalaren izenean, Toki- Araubidearen Oinarriak Arautzen dituen apirilaren 2ko 7/1985 Legean emandako eskumenez baliaturik.

Bigarrenak bere izenean B20811428 IFZdun Oiartzualdeko Hedabideak SL ordezkatzuz.

Bi aldeek elkarri nahiko gaitasuna aitortzen diote hitzarmen hau sinatzeko, eta horretarako

AZALTZEN DUTE:

Bat.- AURREKARIAK

1.1 - Azaroaren 24ko 10/1982 Legea, Euskararen Erabilera Normalizatzekoaren 22. artikulua, herritar guztiei aitortzen die informazioa euskaraz jasotzeko eskubidea.

1.2.- 2/2016 Legeak, apirilaren 7koak, Euskadiko Toki Erakundeei buruzkoak 7. artikulua 1. atalean dio euskararen erabilera udalen eskumen propioa dela eta hori sustatzeko eta normalizazioa planifikatzeko udal bakoitzak beharrezkoak diren neurriak hartuko dituela.

1.3- Artikulu bereko 5. atalean, berriz, eskumen horiek gauzatzeko erakunde publikoekin eta pribatuekin hitzarmenak eta elkarlanerako formulak izenpetzeko aukera eskaintzen du. Azkenik, 17. artikulua 26. atalean berretsi egiten du euskararen erabilera sustatzeko udal planak idaztea, onartzea eta kudeatzea udalerrien eskumen propioa direla.



1.4- Euskarazko komunikabideen garrantzia azpimarratzerakoan, hedabideak sektore estrategikotzat jo izan dira beti hizkuntzaren normalizazioaren bidean. Haien ekarpen ezinbestekoa da hizkuntzaren erabilera indartzeko eta aldi berean hizkuntza horretan gauzatzen diren kultura eta kirol jarduerak proiektatzeko.

1.5 Tokiko komunikabideak laguntzea euskararen presentzia eta erabilera bultzatzeko Euskadiko Toki Erakundeei buruzko apirilaren 7ko 2/2016 Legearen 17.1.26) artikulua ezartzen duenez, udalerriek eskumen propioak baliatu ahal izango dituzte, besteak beste, honako eremu hauetan: Euskara sustatzeko eta erabiltzeko politikak normalizatzeko, antolatze eta kudeatzeko planak".

1.6 - Eskumen horiek baitan Hondarribiko udalak honako helburuak ditu:

- Euskararen erabilera sustatzea eta normalizatzea, hizkuntza bizirik mantentzeko.
- Prentsaren eta ikus-entzunezko bitartekoen bidez, euskararen presentzia eta erabilera duten komunikazio proiektuak bultzatzen dituzten ekimenak sustatzea. Euskaraz irakurtzeko ohiturak bultzatzea. Zerbitzuak euskaraz ematea sustatzea.
- Hondarribian 2023-2027 euskara Sustatzeko Plan Estrategikoan lan-ildo bezala jaso dago, 2024ko martxoaren 27ko udalbatza onartua: tokiko euskarazko hedabideak bultzatzea, euskarazko babesguneak indartzeko eta berriak sortzeko, aisialdian, eremu digitalean, hedabideetan, kirolean, kulturean... euskarazko eskaintza bermatu eta euskararen erabilera orokortu, tokiko euskarazko hedabideak bultzatu.

Bi.- HELBURUA ETA EGOKIERA

2. - Helburua da eskualdeko informazioa herritarrei euskaraz komunikatzea eta ahalik eta hondarribiar gehienengana iristea eta interes orokorreko presentzia publiko handia izatea, Hondarribiko informaziorik interesgarrien eta eguneratuena bilduz, herritarren parte-hartzea bultzatuz eta euskararen presentzia Interneten eta paperan bermatuz.

2.1.- **Oiartzualdeko Hedabideak SLk** dirulaguntza eskaera aurkeztu du. Eskaeraren proiektua hurrengoa da: "Oarso Bidasoko Hitza 2026ko egitasmoa".

2.2.- 2026ko ekainaren 3ko 2026/1629zk. duen Alkate Dekretuaren bidez, erabaki da zuzeneko dirulaguntza izenduna Oiartzualdeko Hedabideak SLri ematea azaroaren 17ko Dirulaguntzei buruzko 38/2003 Lege Orokorraren 22.2.a). artikulua kontuan hartuta.

2.3- Azaldutakoaren arabera, Hondarribiko Udalak eta Oiartzualdeko Hedabideak SLk erabaki dute hitzarmen hau sinatzea. Hitzarmena ondorengo klausulei jarraiki arautuko da, bertan jasotzen baitira aldeen konpromisoak dirulaguntza ematea burutu dadin.

KLAUSULAK:

Lehengoa: Hitzarmenaren xedea.

Hitzarmen honen xedea da aldeen eskubide eta betebeharrak finkatzea, 2026/1629 Dekretuaren bidez emaniko dirulaguntzari dagokionez. Dirulaguntza horren xedea da azaldutako proiektuaren finantzaketa: Komunikabideak euskaraz.

Bigarrena: Eskumena.

Aurreko klausulan jasotako helburua, hau da, dagokiona, legeak udalari ezartzen dizkion eskumenen barruan



sartzen da, araudia honako hau izanik:

- 7/1985 Legea, apirilaren 2koa, Toki- Araubidearen Oinarriak Arautzen dituen, 25. artikulua.
- 2/2016 Legea, apirilaren 7koa, Euskadiko Toki Erakundeei buruzkoa, 17 .1.artikulua eta Lehenengo Xedapen Iragankorra.
- 38/2003 Lege Orokorra, azaroaren 17koa, Dirulaguntzei buruzkoa, 13,22 eta 28. artikulua.
- 887/2006 Errege Dekretua, uztailaren 21ekoa, Dirulaguntzei buruzko azaroaren 17ko 38/2003 Lege Orokorren Araudia onartzen duena,
- 40/2015 Legea, urriaren 1ekoa, Sektore Publikoaren Araubide Juridikoaren, 47. artikulutik 53. artikulura.

Hirugarrena: Aurrekontua eta finantzazioa.

Dirulaguntzaren gehieneko diru-kopurua 15.000 eurokoa izango da, aurrekontuko 1 0204.471.01.335.10 2026 partidaren kontura, Partida hori izenduna izatea aurreikusi da Hondarribiko Udalaren Aurrekontua Orokorrean 2026. urterako.

Laugarrena: Hitzarmenaren iraupena.

Hitzarmen hau indarrean sartuko da sinatzen den egunean eta **2026ko abenduaren 31n amaituko da**. Diruz lagunduko diren gastuak 2026ko urtarrilaren 1etik 2026ko abenduaren 31ra artekoak eginikoak izango dira.

Bosgarrena: Hondarribiko Udalaren konpromisoak.

Hitzarmen honi jarraiki Hondarribiko Udalak harturiko konpromisoak honakoak dira:

a) Oiertzualdeko Hedabideak SLri 15.000 euroko dirulaguntza ordainduko zaio, eta era honetan:

- Lehen ordainketa: % 75, emakidarekin, hau da 11.250 €
- Bigarren ordainketa: % 25 justifikazioa aurkeztu ondoren, 3.750 €

Seigarrena: Dirulaguntzaren Oiertzualdeko Hedabideak SLri onuradunak harturiko konpromisoak.

Hitzarmen honi jarraiki dirulaguntzaren onuradunak harturiko konpromisoak honakoak dira:

a) Komunikabideak euskaraz: Oiertzualdeko Hedabideak SLk proiektua. garatuko du, aurkezturiko dokumentazioaren arabera. Proiektua hitzarmen honekin batera doa eranskin gisa, eta aurreikusiriko epean gauzatuko da.

- Enpresa honen misioa da ahalik eta herritar gehiagok, egunero, euskaraz bere herriko eta eskualdeko berriak jasotzea da. Honekin herri hauetako euskararen erabilpenean eragingo dugu. Etxeetako postontzietara, komertzioetako txokoetara eta sakelako telefonoetara nahiz ordenagailuetara iritsiko gara, herritarrek beraien gertuko albisteak euskaraz jasotzeko aukera izan dezaten.
- Interneteko ataria eguneratu eta sare sozialak etengabe elikatu.
- Agendari ere arreta berezia jartzen hasi gara eta emaitzak ematen hasi da. Ahalik eta agenda osatuena izan eta honen zabalkunde eraginkorra eginda, pertsona desberdinengana iritsi gaitzkeela sinesten dugu, eta hauek gure proiektura erakartzeko aukerak izango ditugula.
- Albiste kopuruari eutsiko badiogu ere, hauetan ikus-entzunezko ekoizpena igotzea da helburua. Albiste txikiei lotutako argazki galeria eta bideo labur gehiago ekoitziz, baina baita ere gutxienez urtean sei alditan lanketa berezia eskatuko duten gai berezien inguruko bideo landuagoak eginez. Ikus



entzunezkoen kontsumoa gora doa eta ondo kokatu behar gara, gure eskualdeetako ikus-entzunezko euskaraz egindako albiste gehiago egon daitezen.

- Euskara batuan idatziko da, eskualdeko ukituarekin. Hizkuntza eredu bihur daitezke irakurleentzat, eta eredu izan daitezkeen aldetik, ahal den eredurik egokiena izaten saiatuko gara. Beraz, gutxieneko hizkuntza kalitatea zainduko dugu.
- Oiarzualdeko Hedabideak SLk euskararen normalizaziora begirako lanean segituko du, eta normalizazioarekin zerikusia duten beste ekimen guztiak zabaldu eta sustatuko ditu.
- Hondarribiarrentzat interesgarriak diren produktuak (edukiak, formatu, maiztasun ...) landuko ditu. Hondarribiko udala informazio iturri garrantzitsua da herriko bizitzan. Horrela, egunkariak, astekariak eta atari digitalak Udalaren eta herritarren arteko zubi izan nahi dute, eta Udalarekin zerikusia duten albisteak ere argitaratuko dituzte.
- Informazioa jorratzean eta zabaltzean, era guztietako edukiak eta gaiak argitaratuko ditu. Independentek, pluralak, orekatuak eta parte-hartzaileak izango dira.
- Informazioaren aniztasuna eta pertsonenganako errespetua edo min eragin dezakeen informaziorik ez ematea zainduko da.

b) Beharrezko diren udal baimenak edo bestelakoak eskatu beharko ditu.

c) Hondarribiko Udaleko Dirulaguntzak ematea arautzen duen Udal Ordenantzan eta Dirulaguntzei buruzko Lege Orokorraren 14. artikuluan onuradunei ezarritako eginbide guztiak bete beharko ditu, eta batez ere:

- Dirulaguntza eman duen erakundean justifikatu beharko du betekizunak eta baldintzak beteko dituela, hala nola jarduera burutu eta dirulaguntza emateak edo izateak zehazten duen helburua beteko duela.
- Eskumeneko erakundeak egin beharreko egiaztatze jarduerak onartuko ditu, eta eskatzen zaion informazioa ekarriko du.
- Beste dirulaguntza batzuk jasotzen baditu dirulaguntza eman duen erakundeari jakinaraziko dio, hala nola bestelako laguntzak, diru-sarrerak edo diruz lagunduriko jarduerak finantzatzen dituzten baliabideak. Hori guztia jakinaraziko beharko da jakin bezain laster, eta, hala balegokio, hartu beharreko diru-kopuruak kobratuko direla justifikatu aurretik.
- Frogatu beharko du, ordainketa bakoitza egin aurretik, egunean dagoela zerga eta gizarte segurantzako betebeharretan (edo egiaztapenaren mende jarriko da).
- Jasoriko diru-kopuruak aplikatu izanaren justifikazio dokumentuak gordeko ditu, dokumentu elektronikoak barne, egiaztatuta eta kontrolatu daitezkeen bitartean, hau da lau urteko epean zehar.

d) Jasoriko diru-kopuruak itzuliko ditu, baldin eta Dirulaguntzei buruzko Lege Orokorraren 37. artikuluan aurreikusitako balizko egoerak gertatzen badira:

- 1.- Dirulaguntza eskuratzea horretarako beharrezkoak diren baldintzak faltatuz edo beraz eskuratzea eragozten dutenak ezkutatu.
- 2.- Dirulaguntza ematearen arrazoia den helburu, jarduera edo egitasmoa ez betetzea, izan osotasunean edo zati batean.



Hondarribiko Udala

Inprimaki hori eskuragarri dago aipatutako web orrian, BAZen eta sail eskudunean. Eskatzaileek aipatutako inprimakia aurkeztu beharko dute, behar bezala beteta. Eskabideak atal hauek ditu (bete beharrekoak):

A) Atal teknikoa:

- Zein jarduera egin diren adieraziko da, datak, parte hartzaileak eta jarduera horietarako erabilitako zenbatekoak zehaztuta.

- Jarduera bererako beste erakunde publiko edo pribatu batzuetatik jasotako dirulaguntzak edo laguntza ekonomikoak egiaztatzen dituzten agiriak ere aurkeztuko dira edo, horrelakorik ezean, ez dela beste dirulaguntzarik jaso egiaztatzen duen erakundearen erantzukizunpeko adierazpena.

- Dirulaguntzaren xedea zen jarduera burutu dela eta aurkeztu zen proiektuaren arabera egin dela egiaztatzen duen egiaztatzea.

- Jarduera egin dela frogatzeko dokumentazio grafiko edo ikus-entzunezkoa ere aurkeztuko da.

B) Atal ekonomikoa:

- Jardueraren diru-sarrera eta gastuen egoera aurkeztuko da, diruz laguntzen ahal den xedeari buruzkoak, osotasunean zehaztuta, bertan adieraziz bai gastu osoa bai eta jarduera egiteko jasotako diru-sarrera guztiak.

- 2026ko urtarrilaren 1etik 2026ko abenduaren 31ra arte egindako gastuen zerrenda zenbakitua, jatorrizko fakturekin eta froga-balio bera duten gainerako dokumentuekin –baliozkoak izango dira merkataritza trafiko juridikoan edo administrazioan eraginkorrak izango dira-, arauz ezarritako baldintza eta, dagozkien ordainketa-agiriez gain. Arestian esan bezala, justifikazioa “Dirulaguntzaren justifikazioa” orria Hondarribiko Udalaren web orriko sarrera-erregistroaren bidez aurkeztu beharko da.

Fakturek dirulaguntzaren xedea justifikatzeko balio dezaten, honako baldintza hauek bete beharko dituzte:

- Jatorrizkoak edo behar bezala konpultsatutako fotokopiak izatea.

- Fakturak xehetasun osoz islatu beharko du zein kontzeptu fakturatu den, eskuratutako ondasunak edo zerbitzuak adierazita, eta horiek zuzeneko lotura izan behar dute diruz lagundutako jarduerarekin.

- Fakturek 2013ko otsailaren 26ko 8/2013 Foru Dekretuan,(fakturatzeko obligazioak arautzen dituen Erregelamendua onartzen duen horretan) eta 27/2018 Foru Dekretuan (urriaren 30ekoan, zerga betebeharrak formal jakin batzuk garatzen dituen erregelamendua eta fakturatzeko obligazioak arautzen dituen erregelamendua aldatzekoan) eskatutako baldintza teknikoak bete beharko dituzte:

- 1- Faktura zenbakia eta, hala badagokio, seriea.
- 2- Bidaltze data.
- 3-Fakturaren igorlearen nahiz hartzailearen (onuraduna) izena eta abizenak, sozietatearen izena.
- 4- Fakturaren igorlearen nahiz hartzailearen IFZ eta helbidea.
- 5- Jardueren deskribapena eta egite data.
- 6- Aplikaturako zerga-tasa eta BEZaren zerga kuota.
- 7- BEZa salbuetsita duten kasuetan, salbuespen hori xedatzen duen araua.

-Fakturak diruz-lagundu den jarduera edo egitasmoa burutu den epekoak izan beharko dira.

-Pertsonal-gastuen kasuan, Kotizazioen Likidazioen Zerrenda eta Langileen Zerrenda Izenduna eta, nomina eta 110, 190 atxikipen-ereduak aurkeztuz justifikatuko dira.

Arestian aipaturiko atal horiek guztiak ez dituzten fakturak ez dira aintzat hartuko dirulaguntzaren justifikazioan.



-Era berean, fakturekin batera aurkeztuko dira haiek ordaindu direla egiaztatzen duten agiriak. Egindako gastutzat joko da justifikazio-aldia amaitu aurretik benetan ordaindu dena.

Zortzigarrena: Diruz lagundu daitezkeen gastuak.

Egindako gastu moduan hartuko dira 2026ko urtarrilaren 1etik 2026ko abenduaren 31ra bitarte egindako ordaintzeko obligazio guztiak; dirulaguntza zurtzeko epemuga amaitu baino lehen ordainduta egon beharko dute.

Gastuak egiaztatzeko, fakturak eta froga-balio baliokidea duten gainerako dokumentuak aurkeztu beharko dira, eta agiri horiek baliozkoak izan beharko dute merkataritzako trafiko juridikoan edo administrazio-eraginkortasuna izan beharko dute, araudian ezarritako moduan.

Diruz lagundu daitezkeen gastuaren zenbatekoak Sektore Publikoko Kontratuei buruzko azaroaren 8ko 9/2017 Legean kontratu txikirako ezarritako zenbatekoak gainditzen dituenean, onuradunak hornitzaile desberdinen gutxienez hiru eskaintza eskatu beharko ditu, obrarako konpromisoa hartu, zerbitzua eman edo ondasuna entregatu aurretik, salbu eta ezaugarri bereziak izateagatik merkatuan ez badago horiek egiten, ematen edo hornitzen dituen behar adina erakunde, edo salbu eta gastua lehenago egin bada.

Aurkeztutako eskaintzen artetik aukeraketa egiteko (justifikazioan edo, hala badagokio, diru-laguntzaren eskabidean aurkeztu beharko dira), efizientzia- eta ekonomia-irizpideak erabiliko dira, eta berariaz justifikatu beharko da memoria batean, proposamen ekonomikorik onena aukeratzeko ez bada.

Diruz lagundu ahal izango dira diruz lagundutako proiektua egiteko finantza-gastuak, aholkularitza juridikoko edo finantzarioko gastuak, notario- eta erregistro-gastuak eta peritu-gastuak, bai eta administrazio-gastu espezifikoak ere, baldin eta zuzenean lotuta badaude diruz lagundutako jarduerarekin eta jarduera behar bezala prestatzeko edo gauzatzeko ezinbestekoak badira.

Honako gastu hauek ez dira inola ere diruz lagunduko:

- a) Banku-kontuen interes zordunak
- b) Interes, errekaratu eta zehapen administratibo eta penalak.
- c) Prozedura judizialen gastuak.

Ondasun inbentariagarrien amortizazioari dagokionez, amortizazio-gastua diruz laguntzeko modukoa izateko, baldintza hauek bete beharko dira:

- a) Dirulaguntzek ondasunak erosten lagundu ez izana.
- b) Amortizazioa orohar onartuak diren kontabilitate-arauen arabera kalkulatzeko.
- c) Kostua diruz lagun daitezkeen aldiari buruzkoa izatea soilik.

Bederatzigarrena: Dokumentazioa aurkeztea.

Aurreko atalean aipatutako dokumentazioa aurkezteko epea, 2027ko martxoaren 31n amaituko da.

Hamargarrena: Bateragarritasuna beste dirulaguntza publikoekin.

Hitzarmen honek arautzen duen dirulaguntza bateragarria izango da helburu bera duten bestelako administrazioetatik edo erakunde publikoetatik eta/edo pribatuetatik datozen bestelako dirulaguntza, laguntza, diru-sarrera edo baliabideekin.

Dena den, dirulaguntza hau bateraezina da helburu bererako Hondarribiko Udaletik eta/edo bertako organismo autonomoetatik datozen bestelako dirulaguntzak edo laguntzak hartzearekin. Era horretan, entitate onuradunak uko egiten dio edozein laguntza edo dirulaguntza motari egokitu ahalako litzaiokeena udalaren departamentuek edo organismo autonomoek dirulaguntzetarako eginiko deialdien arabera.



Hala guztiz ere, emandako laguntzen zenbatekoa, bakarrean edo batera, inola ere ezingo da izan dirulaguntzaren xedearen balioa baino handiagoa.

Hamaikagarrena: Azpikontratazioa.

Onuradunak hirugarrenekin azpikontratatzeko duen diruz lagundutako jarduerak ez du gaindituko% 50. Inola ere ezingo dira azpikontratatu diruz lagundutako jardueraren kostua handituz jardueraren edukiari balio erantsia ematen ez dioten jarduerak.

Hirugarrenekin hitzartutako jarduerak diru-laguntzaren zenbatekoaren ehuneko 20 gainditzen bada eta zenbateko hori 60.000 eurotik gorakoa bada, azpikontratazioak honako baldintza hauek bete beharko ditu:

- a) Kontratua idatziz egitea.
- b) Diru-laguntza ematen duen erakundeak alde aurretik baimena ematea, oinarri arautzaileetan zehazten den moduan.

Hamabigarrena: Hitzarmenaren baldintzak aldatzea.

Dirulaguntzaren Oartzualdeko Hedabideak onuradunak udalean eskatu ahal izango du, diruz lagunduriko jarduera burutzeko epea amaitu aurretik, hitzarmen hau aldatzea ezarriko epeak zabaltzeko, emaniko zenbatekoa gutxitzeko edo jarduera osatzen duten ekintzak aldatzeko. Aldaketa horiek baimenduko dira zergatia ustekabeko egoeretan gertatzen bada edo jarduera behar bezala burutzeko beharrezkoak bada, betiere dirulaguntzaren xedea edo helburua aldatzen ez bada edo hirugarrengoen eskubideak kaltetzen ez badira.

Udalak hitzarmen hau aldatu ahal izango du, onuradunari jakinaraziz eta diru-kopuruak aplikatu aurretik, hitzarmen hau onartzeko kontuan harturiko baldintzen aldaketak eragozten edo galarazten bada lortu nahi den interes publikoaren lorpen-maila, eta onuradunari kalterik eragiten ez bazaio.

Hamahirugarrena: Hitzarmena ez betetzea eta dirulaguntza itzultzea.

Dirulaguntzaren **Oartzualdeko Hedabideak** onuradunak bete beharreko edozein eginkizun ez betetzeak ekarriko du dirulaguntza berrikustea edo indarrik gabe uztea, eta hala balegokio, emaniko diru-kopurua gutxitzea edo itzultzea. Hori guztia aurreikusita dago 38/2003 Dirulaguntzen Lege Orokorraren 37. artikuluan eta hurrengoetan; eta 38/2003 Diru-laguntzen Lege Orokorraren Arautegia ezartzen duen uztailaren 21eko 887/2006 Errege Dekretuaren 91, 92, eta 93. artikuluetan. Dena den, erantzukizunak eskatu ahal izango zaizkio.

Izaniko ez betetzeak mailakatzeko proportzionaltasun irizpidea erabiliko da.

Ezingo balitz edo interesik ez balego lan garapena jarraitzeko proiektuaren bideragarritasunari edo izaerari atxikiriko arazoak edo behar bezala justifikaturiko bestelakoak direla-eta, bi aldeek adostu ahal izango dute hitzarmena bertan behera uztea edo etetea.

Hamalagarrena: Datu pertsonalak babestea.

Datu pertsonalak tratatuko balira, bi aldeek adosten dute Datu Pertsonalak Babesteko eta eskubide digitalak bermatzeko abenduaren 5ko 3/2018 Lege Organikoak eta 2016/679 (EB) Erregelamenduak (Europako Parlamentuaren eta Kontseiluarenak, 2016ko apirilaren 27koak, datu pertsonalen tratamenduari dagokionez pertsona fisikoen babesari eta datu horien zirkulazio askeari buruzko arauak ezartzen dituenak) ezarrikoak betetzea.

Hamabosgarrena: Lan arriskuen prebentzioa.

888846352058-3269-4eed-az08-4d08e6300009



Hondarribiko
Udala

Dirulaguntzaren entitate onuradunak, proiektuaren edo diruz lagunduriko jardueretan, indarrean dagoen araudia beteko du lan arriskuak prebenitzeko alorrean, azaroaren 8ko 31/1995 Legea, Lan Arriskuen Prebentzioari buruzkoa, eta berau garatzeko araudia.

Hamaseigarrena: Araubide juridikoa.

Hitzarmen honek administrazio izaera du, eta horregatik interpretazioa eta garapena arautuko dira ordenamendu juridiko administratiboak ezarritakoaren arabera.

Hitzarmen honetan jarri gabe geratu diren alderdi guztietan administrazioaren alorrean indarrean dagoen legeria ezarriko da eta, batik bat, Hondarribiko Udalean dirulaguntzak ematea arautzeko udal ordenantza, azaroaren 17ko Diru-laguntzei buruzko 38/2003 Lege Orokorra, uztailaren 21eko 887/2006 Errege Dekretua, non bertan onartzen den azaroaren 17ko Diru-laguntzei buruzko 38/2003 Lege Orokorraren Arautegia, urriaren 1eko 39/2015 Legea, Herri Administrazioen Administrazio Prozedura Erkideari buruzkoa, eta urriaren 1eko 40/2015 Legea, Sektore Publikoaren Araubide Juridikoari buruzkoa. Subsidiarioki, zuzenbide pribatuko arauak aplikatuko dira.

Hamazazpigarrena: Eskumeneko jurisdikzioa.

Aldeen artean sor daitezkeen auziak ebazteko eskumena izango dute Administrazioarekiko Auzien Donostiako Epaitegiek, eta, era horretan bi aldeek onartzen dute epaitegi horien lurralde-eskumena

Aurreko guztiarekiko adostasuna erakusteko, parte hartzen duten aldeek hitzarmen hau sinatzen dute, bi aletan eta eragin bakarrerako, idazpuruan adierazten den idazpuruan

ALKATEA	Oiartzualdeko Hedabideak SLren ORDEZKARIA
	72448259F LIERNI ORMAZABAL (R: B20811428)
	Digitalki sinatuta norengandik: 72448259F LIERNI ORMAZABAL (R: B20811428) Data: 2026.06.09 13:09:41 +02'00'
	UDAL IDAZKARIA



EKS | CSV: SINAc6a52859-3eff-4eed-a47e-a40bea300e09

Egiatztatu dokumentu honen osotasuna eta sinadura hurrengo URL edo QR kodean sartuz: <https://udal.egoitza.gipuzkoa.eus?De=03610>

Compruebe la integridad y firma de este documento, accediendo a la siguiente URL o código QR: <https://udal.egoitza.gipuzkoa.eus?De=03610>



EKS | CSV: ESKU4f1a495a-4369-4aa7-a707-4db9f643f907

Egiatztatu dokumentu honen osotasuna eta sinadura hurrengo URL edo QR kodean sartuz: <https://udal.egoitza.gipuzkoa.eus?De=03610>

Compruebe la integridad y firma de este documento, accediendo a la siguiente URL o código QR: <https://udal.egoitza.gipuzkoa.eus?De=03610>